

欽定大清會典事例

欽定大清會典事例卷一十三十二

都察院

五城事件限期 五城地界 五城練勇

事件限期。康熙二年題准五城向來各該地方事件。俱五日一報都察院。今定為五城審理事件。每月兩次開報已未完結到院限二十日完結。一月兩次註銷未完事件。兩箇月一奏報。如限內難結呈明寬限。五十八年題准兵馬司案件。職分應管之事。隨到隨審。定限五日內完結報院。半月一次註銷。若將案件叢積遲延。

不於限內完結。或有縱役訛詐等事。由院查叅。

○咸豐元年

諭都察院奏各省奏交案件逾限未結請照咨案一律  
知照該衙門以憑催叅等語嗣後奏交案件著與咨  
交各案一併將已結未結起數咨報都察院查覈例  
限催叅其步軍統領衙門逾限奏案亦著歸入都察  
院催叅案內辦理欽此遵

旨議准每年按三月九月咨催六月十二月彙叅統於  
一年之內咨催兩次彙叅兩次通行各省遵照  
○同治三年奏准士民殉難請卹呈詞仿照交

審案件。以接奉咨交之日起。統限四箇月。令該督撫查明具奏。仍由都察院分析開單。按限咨催至咨交呈詞。既立查覆定限。除官紳大員有關緊要者。仍隨時具奏請。

旨外。將士民兵勇請卹呈詞。由本院彙齊。每屆三月。彙奏一次。以便依限咨催。庶歸簡易而昭覈實。○光緒十年議准。五城轉行公文。向由中城遞轉。每至南北兩城。動需十日以外。於公事不無貽誤。嗣後劄城轉文。即行由中城摘由分咨四城。由各城督飭書吏。赴中城鈔錄呈城。以期迅

速。

五城地界。雍正五年議奏。凡城內地方分隸五城者。或憑以牆垣屋址。或憑以衝衝曲折。猶可細按基址。劃明界限。至城外鄉郊與州縣接壤者。地勢遼闊。雖有四址冊可稽。但未建立界牌。難為憑據。一遇命案事件。往往互相推諉。令五城將城內所轄地方。舊有基址界限者。再行清理。按界分管。其所轄城外鄉郊與州縣接壤之處。按舊造四址清冊。公同勘定。建立界牌。以垂永久。奉

旨。城內舊址界限。著五城御史查勘。建立界牌。其城外  
與州縣接壤之處。著巡視直隸三路御史於各該管  
處查明勘定。建立界牌。○十二年定。五城交界地方。  
犬牙相錯。五城官員會同清理。釘設木牌。分別  
交界。○乾隆二年議准。東西南北四城並大興  
宛平通州昌平各州縣令會同確勘劃清界址。  
彼此覈對建立石牌。仍將四址處所造冊繪圖。  
呈送戶刑二部及都察院存案。至各城犬牙相  
錯之處。均應分立界址。其街道寬者。亦建立石  
牌。其衢巷狹者。仍設木牌。○三十八年議准。東

南二城向定界址。自便門至花兒牷止。以河中為界。南岸屬南城。北岸屬東城。遇有中流浮屍。每多觀望推謬。儻有傷痕。易滋疑竇。查自便門至二牷。計四里半。自二牷至高碑店。計十二里。自高碑店至花兒牷。計三里半。各有牷座。界段割然。應將二牷至高碑店。分與東城經營。便門至二牷。並高碑店至花兒牷。分與南城經營。中城中西坊地界。內城自

長安左門起。至王府大街止。街北係中西坊所轄。街南係南城交界。自王府大街北口起。至兵馬

司衙衙東口止。街西條中西坊所轄。街東條東城交界。自兵馬司衙衙東口起。至南鑼鼓巷止。  
街南條中西坊所轄。街北條北城交界。自帽兒  
衖衖西口起。至大石橋西口止。街南條中西坊  
所轄。街北條北城交界。自大石橋北口起。至  
地安門止。街東條中西坊所轄。街西條中東坊交  
界。自

地安門居中起。至

東華門並小南城一帶地方。路東條中西坊所轄。  
路西條中東坊交界。外城第一鋪東。自西月牆

起至正陽門大街。與中東坊交界。南至珠子市。  
與二鋪交界。西至西河沿交界。石碑止。與北城  
分界。北至正陽門太城牆止。第二鋪。東至正陽  
門大街。與中東坊交界。南至珠市口大街。與三  
鋪交界。西至觀音寺前。與北城交界。北至珠子  
市。與一鋪交界。第三鋪。東至珠市口大街。與南  
城交界。南至永定門城牆止。西至石頭衚衕。與  
北城交界。北至清風巷火神廟以西。與北城交  
界。中東坊地界。內城。自日中坊橋起。往南至景  
山後街中分界。西係中東坊所轄。東係中西坊

交界自

長安右門外起。至瞻雲坊南北大街止。街中分界。  
北係中東坊所轄。南係南城交界。自長安大街  
西口外瞻雲坊起。至護國寺西口外止。街中分  
界。東係中東坊所轄。西係西城交界。自護國寺  
西口起。過東定府大街龍頭井三座橋。並

地安門外日中坊橋止。南係中東坊所轄。北係西  
北兩城交界。外城第一鋪東。自打磨廠長巷上  
二條衚衕北口外起。至東河沿四間樓柵欄止。  
與二鋪交界。南自小夾道起。往北至城牆根止。

西自正陽門東門外城牆迤東第二垛止。與二鋪交界。北自正陽門東門大街甬道中起。至小夾道止。與三鋪交界。第二鋪東自蕭公堂起。至東河沿南城交界牌止。與第一鋪交界。南自南蘆草園起。至三里河大街中止。與南城交界。西自正陽門東門外城牆第二垛起。至第四垛止。與南城交界。北自鑾慶衖衖起。至玉金樓火神廟止。與三鋪交界。第三鋪東自草廠頭條衖衖起。至小席兒衖衖止。與二鋪交界。南自東珠市口起。迤北至大街路東小夾道止。與一鋪交界。

西自豆腐巷起。往東至元帝廟止。與二鋪交界。  
北自小夾道起。至小蔣家衖。止。東城朝陽坊  
地界。內城東至朝陽門。東直門。城牆止。南至東  
大市街。與崇南坊交界。西至大市街路西。與中  
城交界。北至新橋。與北城交界。外城第一鋪。東  
便門外地方。東至二插。與南城交界。首插係南  
城所轄。南至大通橋。橋上石獸分中。與南城交  
界。西至城根太平倉牆止。北至崇善庵。與二鋪  
交界。第二鋪。朝陽門外地方。東至大王莊。與大  
興縣交界。南至皇姑庵。與第一鋪交界。西至朝

陽門外城牆止。北至朝陽庵南牆。與三鋪交界。  
第三鋪。東直門外地方。東至東壩西門。與五鋪  
交界。南至朝陽庵北牆。與二鋪交界。西至東直  
門角樓。與北城交界。北至勇士營。與大興縣交  
界。第四鋪。六里屯地方。東至東壩西門。與五鋪  
交界。南至大王莊。與大興縣交界。西至呂祖閣。  
與三鋪交界。北至大興縣交界。第五鋪。東壩地  
方。東至東岡子。與通州交界。南至康各莊。與大  
興縣交界。西至壩西門。與三鋪交界。北至勇士  
營。與大興縣交界。崇南坊地界。內城東至城牆

止。南至崇文門止。西至王府大街。與中城交界。  
北至東大市街為界。外城第一鋪。東至東便門。  
與五鋪交界。南至東河漕界。西至南城界。北至  
崇文門口止。第二鋪。東至米市口。與四鋪交界。  
南至三轉橋。與三鋪交界。西至南城界。北至東  
河漕止。第三鋪。東至米市口。與四鋪交界。南至  
左安門口止。西至南城界。北至蒜市口。與二鋪  
交界。第四鋪。東至廣渠門口止。南至三轉橋。與  
三鋪交界。西至蒜市口。與二鋪交界。北至東河  
漕界。第五鋪。東至城牆。南至東河漕。西至崇文

門與一鋪交界。北至東便門口止。第六鋪東至  
羊肉衚衕。與四鋪交界。南至手帕衚衕為界。西  
至崇文門大街。街西係南城分界。北至四條衚  
衕為界。第七鋪東至草團瓢城牆止。南至找子  
營為界。西至羊肉衚衕。與六鋪交界。北至胡叭  
喇口為界。南城東南坊地界。第一鋪廣甯門外  
地方。東至右安門城牆止。南至護國廟。與右安  
門交界。西至大井胡同。與西城關外坊交界。北至  
接待寺。與宛平縣交界。第二鋪右安門外地方。  
東至永定門大道中分。南至西紅門三官廟。與

大興縣交界。西至七里莊與宛平縣交界。北至  
護國廟與廣甯門外交界。第三鋪左安門外地  
方。東至波羅營西直河一帶地方。與通州交界。  
南至

南苑北牆下止。西至永定門外大道中分。北至八  
里莊燕窩一帶地方。第四鋪廣渠門外地方。東  
至南花園白鹿司一帶地方。與通州交界。南至  
八里莊燕窩一帶地方。西至城牆止。北至東便  
門外二牖止。與東城交界。正東坊地界。內城正  
陽門棋盤街東至崇文門內大街中分。與東城

交界。南至城牆止。西至太平湖西城牆止。北至王府大街。與中城交界。又自西長安街中分。至就日坊。迤西。與西北二城交界。外城第一鋪東至崇文門大街中分。與東城交界。南至北官園南口。與四鋪交界。西至新開路北口。與三鋪交界。北至城牆止。第二鋪東至喜鵲衖衖東口外。路南。與三鋪交界。南至平樂園北口。與四鋪交界。又至草廠二條衖衖南口外。與中城交界。西至閻王廟前街。與四鋪交界。又至蕭公堂。與中城交界。北至巾帽衖衖西口。與一鋪交界。又至

東河沿城牆止。第三鋪東至崇文門大街中分  
瓜市。與東城崇南坊交界。南至石板衚衕。與東  
城崇南坊交界。西至瓷器口。與二鋪交界。北至  
五老衚衕。與二鋪交界。第四鋪東至平樂園北  
口。與二鋪交界。南至三里河橋三官廟止。西至  
草廠七條衚衕南口外。與三鋪交界。北至北宮  
園南口。與一鋪交界。第五鋪東至大藥局。與東  
城崇南坊交界。南至何家莊。與東城崇南坊交  
界。西至鞭子巷二條衚衕止。北至柳樹井。與三  
鋪交界。第六鋪東至鞭子巷二條衚衕止。南至

天壇外圍牆止。西至珠市口大街中分。與中城中西坊  
交界。北至三里河大街中分。與中城中東坊交  
界。西城關外坊地界。內城自西大市街迤北起。  
至德勝門內街西水碓兒街止。自德勝門內  
街西水碓兒街南起。至護國寺東柵欄街  
北止。自護國寺東柵欄街北起。迤西至阜成門  
內街北止。自西直門北起。迤東至德勝門內街  
西水碓兒街止。外城第一鋪。東至阜城門外  
西直門外一帶地方止。南至啦吧橋。與三鋪交  
界。西至雙楊居。與三鋪交界。北至高梁橋。與二

鋪交界。第二鋪。東至藥王廟。與北城交界。南至高梁橋。與一鋪交界。西至藍靛廠六郎莊。與北城交界。北至海甸。

宮門口。與北城交界。第三鋪。東至羊房店。西便門外石道止。南至廣甯門外石道大井止。與南城交界。西至半壁店。與四鋪交界。北至八里莊。與四鋪交界。第四鋪。東至雙槐樹。與三鋪交界。南至田邨。與宛平縣交界。西至三家店楊家塢。與宛平縣交界。北至寨口。與北城交界。第五鋪。東至玉泉山。與北城交界。南至單家村。與三鋪交

界。西至善果寺。與四鋪交界。北至臥佛寺。與北  
城交界。宣南坊地界。內城東至大西街路。西至  
豹子街口。與中城交界。南至豹子街路北。與南  
城交界。西至城牆止。北至阜成門大街路南。與  
闢外坊交界。外城第一鋪東至宣武門大街路  
西。與北城交界。南至夾道居。與二鋪交界。西至  
柴廠。與六鋪交界。北至上斜街。與六鋪交界。第  
二鋪東至菜市口。與北城交界。南至廣甯門大  
街路北。與三鋪交界。西至韋駄庵。與七鋪交界。  
北至斜街。與七鋪交界。第三鋪東至半截街。與

與北城交界。南至法源寺。與五鋪交界。西至牛街。與四鋪交界。北至廣甯門大街路西。與二鋪交界。第四鋪。東至牛街。與三鋪交界。南至棗林街。與五鋪交界。西至廣甯門城牆。北至廣甯門大街路南。與七鋪交界。第五鋪。東至姚家坑。與北城交界。南至右安門城牆。西至廣甯門城牆。北至盆兒衖。與三鋪交界。第六鋪。東至土地廟斜街。與一鋪交界。南至廣甯門大街韋駄庵。與二鋪交界。西至西便門。與七鋪交界。北至宣武門城牆止。第七鋪。東至鬪雞坑。與六鋪交界。

南至綫閣口止。與四鋪交界。西至廣甯門內。與四鋪交界。北至虎皮牆。北城靈中坊地界。內城東至東直門內。往北一帶城牆止。南至東直門內大街街北一帶止。街南與東城交界。安定門內至交道口止。與東城交界。鼓樓前南至後門橋止。與中城交界。西至德勝門內大街。街東係北城所轄。街西與西城交界。北至德勝門內及安定門內。往東一帶地方。均至城牆根止。外城第一鋪。安定門外東至迴龍牆。與東城交界。南至安定門外一帶城牆止。西至黃寺。與二鋪交

界。北至小關一帶土城止。第二鋪德勝門外東至黃寺與一鋪交界。南至德勝門外一帶城牆止。西至藥王廟五聖庵與西城交界。北至小關一帶土城止。第三鋪土城外東至龍稻村與東城大興縣交界。南至東西小關土城止。西至十間房與西城交界。北至清河與昌平州交界。第四鋪青龍橋西北東至紅石口蕭家河與五鋪交界。南至西山一帶西至寨口村與宛平縣西城交界。北至大道與昌平州交界。第五鋪北海甸東北東至六道口百靈莊與三鋪交界。南至

白塔庵三間房。與西城交界。西至北海甸梢子營。與四鋪交界。北至清河。與昌平州交界。日南坊地界。第一鋪。東至西河沿交界石牌止。南至延壽寺街。與二鋪交界。西至西河沿響橋。與三鋪交界。北至西河沿護城河止。第二鋪。東至廊房頭條衚衕。與中城交界。南至觀音寺前。與四鋪交界。西至琉璃廠橋。與三鋪交界。北至茗第衚衕。與一鋪交界。第三鋪。東至琉璃廠橋。與二鋪交界。南至東南園。西至永光寺中街。北至宣武門城根止。第四鋪。東至石頭衚衕南口。與中

城交界。南至

先農壇北牆止。西至菜市口。北至虎坊橋西。第五鋪東至大保吉巷。與中城交界。南至黑窯廠永定門城牆止。西至米市衚衕北口。與六鋪交界。北至獻馬市。與四鋪交界。第六鋪東至雞鶩市。與五鋪交界。南至藍旗教場右安門城牆止。西至半截衚衕。與西城交界。北至菜市口。與四鋪交界。歸併靈中三鋪。第一鋪東至陝西巷。與四鋪交界。南至虎坊橋。與四鋪交界。西至山西街。北至臧家橋。第二鋪東至琉璃廠橋。南至沙土園。

西至宣武門大街。與西城交界。北至西南園北口。第三鋪東至臧家橋北。南至魏染衚衚北口。西至菜市口大街北頭。與西城交界。北至南柳巷北口為界。

五城練勇○同治元年

諭給事中那清阿等奏酌留內城水火會請飭交五城按段稽察一摺前因周祖培奏請撤內城團防當經降旨允准惟兩年以來內城各鋪戶設立水火會稽察姦宄彼此防護頗合守望相助之義未可一律撤裁著五城御史各按內城所管地址飭令各該鋪戶

照舊聯絡。仍留水火會實力巡防。以資捍衛。○又

諭。著都察院查照咸豐年間辦理團防成案。將外城居住之科道十員。繕寫名單。候旨簡派。內城團防。均係步軍統領衙門應辦之事。惟內城地面遼闊。所有查旗科道各員。並著派令督辦內城團防事務。○四年諭。御史汪朝棨奏。請嚴禁外省人員混入五城團防。希圖保舉一摺。五城設立團防局。向係各該城御史遴選。籍隸順天之公正紳富。及寄籍鋪戶人等。充當局董。會同司坊各官。緝拏盜賊。藉以保衛地面。若如該御史所奏。竟有籍隸外省之六部司員。紛紛冒充順

天籍貫。蒙混入局。為將來保舉地步。實屬拋荒本務。  
居心卑鄙。著五城御史察明實係籍隸順天之紳富  
及寄籍鋪戶人等。准其在局辦公外。其籍隸外省之  
京外大小各官。如有冒充順天籍貫。蒙混入局。鑽謀  
保舉者。即著指名奏參。僅該城御史及紳董等通同  
容隱。別經發覺。即將該城御史及紳董人等交部議  
處。○七年奉

旨。將五城幫辦團防御史及內城團防御史一併裁撤。

○八年

諭。賈楠等奏外城練勇酌擬改併。請旨遵行一摺。外城

設局練勇。本屬一時權宜之計。現在地方安謐。自應酌量裁併。著照所請。外城練勇二百五十名。均著一併裁撤。即將此項練勇分屬五城。由各該城歸併原募局勇。認真挑選。酌量定額。以供緝捕之用。其部撥練勇銀每月一千兩。即由五城支領。該城本有緝捕盜賊之責。其各督飭司坊官員。實心經理。整頓捕務。所有各部院衙門及投效當差人員。即著概行裁撤。至此項人員。向由五城御史等隨案請獎。嗣後並著一併停止。○光緒九年定。五城練勇局用款。一律支放實銀。自九年四月初一日起。照新章支放。並

刊給木質某城練勇局鈐記。專備支銷錢糧之用。他事概不准用。○又定練勇局章程。一。勇定五十名。每月支銀一百二十二兩七錢。一。長夫二名。每月支銀三兩六錢。一。房租銀每月支銀三兩。一。薪水每城六分。每月支銀三十兩。一。局書每月支銀六兩。一。採買大繩。每月不得過三兩之數。一。每月支領大藥蟲藥。每次給車價銀三錢。一。煤炭每月支銀一兩六錢。一。每月紙硃銀二兩。油燭茶葉炕席燈籠甜水苦水一切零項。每月給銀十兩。一。號衣皮襖。於光緒九年一

律新製以後出舊更新。不得過半。一。十冬臘正四箇月。媒炭銀支銀二十兩。一。四季操演犒賞。共六十兩。一。三節犒賞勇丁長夫及局員書差。共三十兩。以上各條。計每城每年領銀二十四百兩。一部中原平。翦碎支放。每多折耗。即於每歲小建截存勇丁口糧內開除。仍歸入報銷。一。勇丁拏獲斬梟要犯。及軍流疊竊人犯。由餘存項下酌提給賞。一。所領部款。交司存儲。遇有放款。由局開單呈城覈定。移司驗明。將款項送局散放。一。立印簿二本。鈐蓋城印。註明貢數。司局

各存其一。司簿註放過之數。局簿註收過之數。  
夾連原批呈城標閱。一局內派員坐辦住宿。稽  
察勇丁。每日卯午酉三次點名。午刻點名後。由  
哨官操演一次。不准間斷。酉刻點名後。即閉門  
不准一人出外。於亥正後。由局員哨官分帶出  
隊。一局中放款。以京平為率。司發欠平。准局員  
駁換。局發欠平。准勇丁稟究。一赴部領銀。五城  
各具印領。飭本城指揮親身支領。毋庸由五城  
輪流承領分給。一勇丁口糧。一律放銀。五日放  
銀一次。一司坊賞捕。自有緝捕經費。不得挪動。

局款。一十冬臘正四箇月。緝捕緊要。應與五營水會聯絡一氣。各立考勤簿。彼此會哨。過境之時。帶隊官書名畫押。一此後局用。有應行增添之款。須咨部覈准。通行五城。方許動支。○又奏定五城水會紳董。每屆三年。請獎一次。其水局紳董兼巡夜者。每局不分文武。准保十人。不兼巡夜者。准保七人。以示區別。其紳董入局。以咨明吏部之日起。扣滿三年。方准列保。其有事故告假。以及選補出局者。均由城咨部。雖前經在局。亦不准保。其隨案列保之員。未經咨部者。不

得事後補咨。必須實係業經咨部在局之員。方准列保。其離局之日。亦由城查明並無經手未完事件。給咨赴部。如有始勤終怠。及經手支用不清者。將其保案撤銷。不得含混取結。赴部註册。

欽定大清會典事例卷一千三十三

都察院

五城條教 保甲

條教。順治十六年議准。令五城各設公所。御史司坊各官督率鄉約人等。於每月朔望日聚集公所宣講。

欽頒六諭文。○康熙九年頒

上諭十六條。令五城於朔望日宣講。○雍正二年頒  
聖諭十六條廣訓。令五城曉諭。○嘉慶五年  
諭。朕於上年曾經降旨。令各省有司。每逢朔望。謹將

聖諭廣訓。剴切宣示。俾小民領悟。各地方官自應實力奉行。京師為首善之區。尤宜先為開導。以期化行自近。嗣後著五城順天府大興宛平二縣各官選舉鄉約耆老。於朔望之日齊集公所宣讀。

聖諭廣訓。按期講論。毋得視為具文。日久廢弛。以副朕化民成俗至意。○十四年

諭御史周錢奏。請復講約舊例。實力奉行。以敦風化一摺。順治年間

欽定六諭文。康熙年間頒發

上諭十六條。雍正二年。復頒發

聖諭廣訓萬言。通飭各直省地方官。於每月朔望。剗切宣講。務使鄉曲愚民。共知嚮善。仰見

列聖關心民瘼。教養兼施。所以為世道人心計者。至深遠也。牧令為親民之官。向例計典屆期。各州縣有能宣講

聖諭。實力奉行者。該督撫即列入卓薦之內。原以該員等有教民之責。承流宣化。正藉此以鼓勵進階。乃近日以來。各地方官厯久懈生。率視為奉行故事。竟至日形廢弛。所謂化導斯民者。何在。嗣後順天府五城所屬地方。並各直省督撫於所屬州縣務當飭令一

體格遵舊例。於每月朔望日。傳集城鄉居民。敬將聖諭各條。曉諭宣講行之以實。毋得視為具文。庶民風丕變。治道益臻上理。○光緒二年

諭宣講

聖諭廣訓鉅典昭垂。自應認真舉辦。乃近來各地方官往往視為具文。實屬不成事體。著順天府五城實力奉行。並著各直省督撫學政。督飭地方及教職各官隨時宣講。毋得有名無實。

保甲。○乾隆三十一年題准。五城所屬各鄉莊向來並未照州縣之例編聯保甲。嗣後按其居

民戶口照例酌編責成副指揮等不時查察。如有容留不肖之徒藉端生事者一經察出將各該保甲一併嚴究。○四十年奏定。

京都為天下人民會聚之所其間姦良不一稽察宜周是以於大宛兩縣之外特設五城司坊各官分管其地在司坊官弭盜詰姦固有查察地方之責而大宛兩縣亦不得竟置戶籍於不問現經直隸總督奏請編查保甲所有五城管轄地方即令司坊各官會同大宛兩縣實力辦理毋得推諉。○嘉慶十七年。

飭令五城地面各參酌保甲舊章認真經理毋得以具

文塞責○十八年

諭京城內外交順天府五城分別旗民編查保甲即刻奉行若稍遲延治罪不恕○又定京城內外分別旗民一體編查保甲其王公滿漢文武大臣官員第宅各令自行查察如給使人役內有來歷不明形迹可疑者立即送究凡居民鋪戶造立循環鑄按年更換客店車行庵觀寺院設立清冊兩月更換一次圓館居樓優伶寓所另立專冊一月更換一次五城御史督率所屬分段實力

稽查。○又

諭五城御史嵩安等奏編查保甲各事宜所議客店車行庵觀寺院設立之循環簿自應每月更換其揀發五城委用司坊官遇有乏員之時准由都察院咨明吏部照例揀選發交該城委用至各城需用心紅紙張筆墨等項向無報部支領之例著交都察院自行籌款撥給欽此遵

旨議准左都御史每年共捐銀二十二兩副都御史每年共捐銀二十八兩二共捐銀五十兩六科滿漢給事中二十四員每年共捐銀一百兩十五

道滿漢御史五十六員。每年共捐銀一百兩。統計捐銀二百五十兩。每年每城給發銀五十兩。作為心紅紙筆之費。以資辦公。至六科扣捐銀兩。均歸吏科彙總。十五道扣捐銀兩。均歸京畿道彙總。呈送本堂。交飯銀處彙數分給。移會各城出具印領。赴院支領。○又

諭巡城御史嵩安等奏。現因編查保甲。請將浮寓及土著文武微員一體編次等語。京師居民稠雜。流品不齊。其土著及浮寓微員。原與現任職官有別。自應詳加稽考。以杜混淆。著該巡城御史等。將土著浮寓之

文職佐貳雜職武職五六品以下等官並虛銜人員。均一體編列稽察。如查有假冒職官者。即嚴行根究。懲辦。其例應在籍候選。及已捐分發者。飭令按限回籍赴省。母任逗遛滋弊。○二十年。

諭。前據那彥成奏拏獲逆犯劉第五之婦閻氏。訊據該犯婦供稱。伊於十八年九月逃走後。十一月捏稱崔姓嫁與姜得富為妻。曾告知係劉第五之婦。姜得富畏懼。將伊送入都中。雇與李鐵拐斜街姚姓家傭工。至十九年四月回家等語。十八年冬至十九年春夏間。正飭拏逆犯緊要之時。乃劉第五之婦。以律應緣。

坐之犯近在京城藏匿。該管地方官毫無覺察。實屬  
疏縱。該犯婦現已解京。著刑部堂官覆訊。該犯婦於  
何日到李鐵拐斜街姚姓家傭工。何日辭工出京。知  
照都察院堂官。將彼時該管巡城御史及司坊官查  
明參奏。候旨交部分別議處。以示懲儆。前曾降旨以  
緝獲逆犯之後。其從前失察在境藏匿之咎。概行寬  
免。原指本境該管官自行拏獲者而言。若經他處緝  
獲。則從前漫無查察者。其咎實無可逭。近日京城緝  
捕各衙門。及外省地方官詢及查拏逆犯一事。總以  
編查保甲甚為嚴密。實無逆犯蹤迹為詞。不知各逆

犯自問罪大惡極法所不宥必皆更名改姓輾轉掩藏如閻氏一犯在都城市闊輶轢之區隱匿多日以此類推則謂輦轢之下姦宄淨盡豈復可信著通飭步軍統領順天府五城各就所轄地面設法嚴查遇有外來之人務詳究來歷毋令不法之徒混迹市廬致有求之千里失之目前者經此次飭諭之後若仍復玩泄將來逆案正犯由別處緝獲究出經由藏匿之處必將該管官嚴懲不貸○二十一年議准南城自永定門外南面至

北紅門南頂等處六十餘邱責成現任副指揮專

司稽察。左安門外東南至

小紅門前後街等處六十餘邨。酌派司坊官一員。  
駐紮適中之十八里店。專司稽查。右安門外西  
南至

西紅門潘家廟等處六十餘邨。酌派揀發司坊官  
一員。駐紮適中之紀家廟。專司稽察。東城自朝  
陽門東直門東便門外關廂地方。南至五座墳。  
北至太平莊共邨莊八十餘處。責成現任副指  
揮稽察。朝陽門外新橋之東南頭二四鋪一帶  
邨莊七十餘處。酌撥揀發官一員。駐紮適中之

慈雲寺專司稽察朝陽門外草廠之東北三鋪  
五鋪一帶村莊七十餘處酌撥揀發官一員駐  
禁適中之東壩專司稽查○二十四年

諭京師戶口門牌原應隨時稽察更正覈實辦理恐日久生懈著該管各衙門嚴飭所屬認真查辦毋得因循疏玩視為具文○道光元年

諭京城內外居民稠密設立門牌戶冊原以稽察姦宄毋使混迹但恐該管官日久視為具文漸就廢弛行之有名無實著申諭步軍統領衙門順天府五城各督飭所屬於鋪家業戶門牌戶冊隨時嚴密稽察如

有遷徙增減。按照章程逐一更正。務使耳目常周。母擾母漏。肇穀肅清。以收戢暴安良之效。○三年  
諭。編查保甲。本以杜賊匪之窩頓。所有戶冊門牌。每年春秋更換。務當逐細確查。覈實填寫。俾姦民無從混迹。慎母視若具文。有名無實也。○九年

諭。五城地方設立保甲。並不按照章程稽察填註。以致賊匪潛匿。捕役縱容而雜院茶館尤為藏垢納污之所。查驗率多挂漏。是盜源未清。捕務焉有起色。著五城御史嚴飭司坊官將門牌戶冊分款認真稽覈。無論軍民人等。或自立門戶。或數家共處一院。務須隨

時按名點驗詳悉註明其茶肆中有深夜聚賭喧呶及容留來歷不明之人住宿者並著司坊營汛各按地面時加巡察禁止但不得藉端騷擾復滋流弊該巡城御史仍當隨時查察有弊即參以期革穀肅清閭閻靜謐○十六年

諭近來各處徒流遇赦及曾經刺肘刺面之犯往往潛匿京師結成黨與其在配徒流人犯地方官並不認真查察每致逃逸來京恣行不法此等人犯在直隸省為最多必當嚴行查禁以靖地方著順天府直隸總督嚴飭各州縣嗣後徒流在配人犯務須實力稽

查造冊按月點卯不得僅憑胥役捏報如有逃逸立  
即根究其軍流遇赦人犯籍隸直隸各州縣有籍可  
歸者由配所知照該犯原籍地方官查明到籍日期  
嚴加管束仍詳報該上司立案不准流寫京師其籍  
隸大興宛平二縣者一經赦回亦由配所知照即交  
該二縣嚴加管束詢明該犯下落造冊登記知照五  
城者巡城御史五城司坊官各按所轄地面於編查  
門牌之便嚴飭鋪甲捕頭稽查約束遇有此等赦回  
人犯外出滋事立即稟報懲治儻有徇隱即治該捕  
甲以約束不嚴之罪如該城御史及司坊各官並不

認真稽查。別經發覺。即著一併議處。二十一年。

諭。前據給事中和豐等奏。請將現居城外之宗室人等。一體編查。當降旨交宗人府覈議。茲據載銓等奏稱。應如該給事中等所奏。一體由該城坊編查列入甲冊。隨時查覈。其有復移入城居住者。自行呈明該城坊將甲冊之名義撤等語。宗室覺羅向例原不應在城外居住。所有現在暫居城外各戶。不可漫無稽覈。自應一體編查保甲。儻於城坊編查時不遵約束。應如何懲治之處。著宗人府酌議具奏。○又

諭。宗人府奏的議暫居城外宗室覺羅編查保甲章程。

所議尚未盡善。現在宗室人等居住城外。戶口較多。  
若概令移居城內。殊多窒礙。自應一體編查保甲。以  
資稽覈。惟司坊官員職分較小。僥倖意存容隱。不敢認  
真稽查。轉致有名無實。著宗人府派委司員傳知該  
族長先行按戶曉諭。俾令靜聽編查。毋稍違抗。僥倖查  
有不安本分。或任意容留閒雜人等。即由巡城御史  
密呈都察院堂官。酌其情節較輕者。知照宗人府。迅  
即派委會同城坊查究。其情節較重者。即由都察院  
奏聞請旨辦理。○二十七年。巡視中城御史志魁等  
奏。編查保甲。挾獲吸食鴉片逸犯杜焜。請飭交

刑部審辦得

旨杜景胡即杜焜著交刑部審辦。中城御史志魁給事中路慎莊督查保甲認真著交吏部議敘。從來編查保甲為緝姦要務。若奉行故事。實無裨益。該御史等按冊逐戶點查。竟能將前經降旨飭擊逸犯杜焜拏獲。並查出人數姓名不符。及形迹可疑多起。分別辦理。可見一經查拏。該匪等即無駐足之處。是認真稽查門牌大有實效。因思各城各有專轄地面。自應一律認真清查。毋令姦宄溷匿。該巡城科道等必應督飭所屬實力奉行。認真查察。遇有形迹可疑。及門牌

人數不符之處。立即嚴拏究辦。毋得視為具文。有名無實。仍不時稽察丁胥人役等。毋得藉端騷擾需索。以戢姦宄而靖閭閻。○二十八年

諭。御史程德麟奏。請京城各省會館一體編查保甲。一摺。著都察院順天府會同委議具奏。欽此。遵

旨。議准各省會館。其現有京官在館寄居者。即與官宅無異。仍宜遵照舊定保甲章程。令本官自行嚴查。其但有京官管理。而不能常川在彼。與並無京官管理。而第付之看館人役者。自應照客店廟宇之例。一體編次。添設門牌。所有各省投寫。

士子以及候補候選官員與夫僕從人等均責令該看館人詢明來厯填註循環簿每月一次送官查驗儻有無藉之徒冒充職官生監匿名混迹該看館人應查不查應報不報一經發覺從重治罪至看館之人亦責令各省掌館官紳慎擇老成不得以無業游民濫充斯役儻有聚賭販煙等弊即將該館主人治以失察之罪仍嚴飭五城司坊大宛兩縣無分畛域逐館稽查以杜混淆而免遺漏○咸豐三年奏定外城稽查章程一住戶立十家牌互相稽查每戶給

牌一張。令其自行照式填寫。由官覈對。每十家立一總牌。發給第一戶直管十日。其餘各戶。以次遞推。百日一周。如十家中有窩藏姦匪者。責令密稟。立加重賞。僅隱匿不報。別經發覺。從重究辦。如有東所不願列入總牌者。另編零戶冊。加意嚴察。一。每街。每巷。各設牌夫一名。即用熟悉地方之人。就近充當。發給腰牌。責令常川住守。如有面生可疑。潛蹤匿迹者。立即稟報。以便拏究。其住戶遷移。亦令隨時報明。一。雜院。戲館。茶館。不時稽察。雜院責令房主。戲館。茶館責成掌館。

極儻有形迹可疑之人。立即密稟一。各衙門開房隨時嚴察。儻有雜人潛住。立即究辦。一。雜藝方技人等。俱令報明地面。取有的保。方准居住。仍將門牌註明。以便稽查。一。沿街棲止貧民人數衆多。若概逐出城外。恐滋事端。擬編立冊籍。隨宜安插。至老幼殘廢。以及婦女。分別於棲流所普濟堂安置。如有面目兇悍。形蹤詭祕之人。立即拏辦。○同治元年

諭。京畿地帶。五方輻輳。良莠不齊。疊經諭令步軍統領衙門都察院於所屬地帶。嚴拏姦宄。編查保甲。迄今

數月未見實力奉行。實屬疏懈。現在陝西回民滋事。  
該教人數衆多。處處暗通消息。其散布京師內外城  
者尤屬不少。風聞該教人出有傳單。約期謀事。恐有  
外來姦回。意圖搆釁。宜就稽察門牌之時。明查暗訪。  
如有滋生事端之人。即惟該頭人是問。並著步軍統  
領衙門密為捕拏。毋得姑息貽患。其外來客民。在寺  
觀客店雜院居住者。行蹤無定。最易藏姦。必須責成  
房主。須有切實可靠保人。方准收留。遇有形迹可疑  
之人。隨時赴該地面衙門送信。五城御史責任巡防。  
務須覲悉各處。嚴密編查。隨時辦理。並督同司坊各

官實力奉行。違則嚴行叅辦。至來歷不明之人。往往  
黏貼門封告條。冒充官員住宅。著步軍統領衙門。五  
城御史。一體設法嚴密訪察根究。毋令姦宄混迹。經  
此次密諭之後。如各該衙門於地面公事。仍不認真  
經理。設有姦宄混迹。必將該管地方官從重懲處。決  
不寬貸。○又

諭。五城御史有稽察巡防之責。著將團防保甲。迅速詳  
定章程。認真辦理。○又

諭。巡視中城御史承繼等奏。籌議國防保甲章程。及請  
飭步軍統領會同巡察各摺片。京師外城人煙稠密。

姦宄易於潛藏。該御史等所擬嚴飭司坊各員分查地面。編註門牌。造具清冊。各章程尚屬周備。惟保甲雖為良法。行之不善。往往視為具文。全在該御史等費力奉行。按日親厯巡察。既不可稍涉張皇。更不可始勤終怠。庶弭盜安良。地方藉資綏靖。至逐日分段親查。助理需人。著都察院將外城居住之科道十員。繕寫名單。候旨簡派。惟內城地面廣闊。所有查旗科道各員。並著派令督辦內城園防事務。其從前裏辦內園防科道亦著一同辦理。庶事有責成。不至推諉。至額設堆撥。嚴防宵小。極為周密。乃日久玩生。半就

廢弛實堪痛恨。著步軍統領衙門會同五城認真整頓。並著循照舊章。申明夜禁。營汛等官各回汎地。以專責成。其外城堆撥官弁兵丁姓名人數。並著按照地面造冊分送五城查覈。○三年

諭。宗室覺羅居住外城。原屬例所不禁。惟近有詭託姓名。滋生事端。不知自愛者。亦不可不嚴行查辦。嗣後居住外城之宗室覺羅等。除業經編入保甲者。仍照例辦理。毋庸概行遷回內城外。如有詭託姓名。潛居外城。滋生事端。不知自愛者。即著照宗人府所擬一面。由該城御史查明姓名旗分。開單知照該衙門查


傳究辦。一面由宗人府飭傳各旗族學長佐領等勒令即時遷回內城嚴加管束。經此次明定章程之後。儻該宗室覺羅人等仍有未經報明城坊編入甲冊。潛居外城滋事怙惡不悛者一經各該城御史查拏送交宗人府即著該衙門從嚴懲辦以肅禁令。○光緒二年

諭前據沈葆楨等奏稱江蘇等省現有邪教紙人翦辯情事疊經諭令各該省督撫飭令地方官查拏懲辦京師五方雜處儻稽查不力亦恐匪黨潛蹤著步軍統領衙門順天府五城妥定章程督飭地

面官協力搜巡一體拏辦以杜姦宄而靖地方○

十年

諭近來京師及附近地方搶劫之案層見迭出總由平日巡緝不嚴以致姦宄易於混迹甚至窩藏盜賊包庇分贓地方官漫無覺察殊屬不成事體著步軍統領衙門順天府五城御史督飭所屬舉行保甲認真稽查毋得有名無實視為具文儻該員弁等並不實力奉行即著奏參懲辦。



欽定大清會典事例卷一千三十四

都察院

五城

米廠

米廠。中城糴米官房二所。一設正陽門外糧食店副  
兒衛衛內指揮管理。一設正陽門外糧食店副  
指揮管理。東城糴米官房二所。一設崇文門外  
小市口東指揮管理。一設朝陽門外會芳樓之  
東副指揮管理。南城糴米官房二所。一設崇文  
門外蒜市口香串衛衛內指揮管理。一設廣渠  
門內欄杆市街副指揮管理。西城糴米官房二

所一設宣武門外轎子衞衞內指揮管理。一設  
阜城門外關廂內副指揮管理。北城糴米官房  
二所。一設宣武門外觀音堂路東地方指揮管  
理。一設德勝門外醬房衞衞地方副指揮管理。  
○康熙六十一年議准嗣後將糴米所交制錢  
令五城照市價易銀交庫。○雍正三年奉

旨。上年雨水過多米價騰貴可將廠內成色米酌量平  
糴。欽此遵

旨奏定將京通二倉二成至七成三色米一百餘萬石。  
本裕倉三成四成稜米共三萬二千餘石。於

京師東南二城立廠一處。西北二城立廠一處。通  
州立廠二處。清河立廠一處。照時價減糶。按成  
色糶收。○四年

諭。京倉好米著發五萬石。每城領一萬石。照例立廠委  
員平糶。欽此。遵

旨議定。五城平糶。銀錢兼收。交送戶部查覈。○五年奉  
旨。聞老米市價一兩八錢。今年又多一閏月。當此青黃  
不接之時。民間恐有艱食者。可將成色米照例發糶。  
○八年議准。現今五城設廠糶賣成色米。照春  
閒價值。按成遞減。人多擁擠。應於每城各增設。

一廠止許零星糴買。每人不過三斗。所收銀錢。  
該司坊官按月造冊送交戶部查覈。再成色米  
價值既賤。於窮民尤為便益。應隨時發糴。不宜  
拘定米數。亦不必限定於麥秋停止。俟米價稍  
平應停之時。戶部奏。

聞。○十二年奏准五城兵馬司糴賣成色米。每年令  
都察院造冊咨送戶部於年終查覈。每年題銷  
一次。○又題准五城各酌撥官房二所以為米  
廠。○乾隆三年奏准現今五城設立十廠平糴  
六居城內四居城外。今糴米加多。糴米人衆。將

原設六廠移於城外關廂酌定地方分設其米廠一切費用悉照現在五城糶米之例開銷正項○七年題准嗣後五城兵馬司糶米奏銷造冊以次年開印之日為始定限兩月彙齊送部如有遲誤即行題參○又定五城兵馬司糶責成色米解交制錢均於年終始行停糶是以均於次年開印後將上年米錢各數目一面先造底冊送倉場衙門磨對清楚別造清冊呈送倉場一面由本城御史呈院轉咨戶部題銷○二十三年奏准各城糶費上米報銷文冊令該城

御史加結分送戶部都察院查覈。如遇領米開  
糴日期監糴各員協同該城御史赴廠稽察。  
又奏准五城領米車腳每石舊給大制錢三十  
五文。惟各廠遠近不同酌為增減每石東城減  
為三十二文。南城減為三十三文。中城減為三  
十四文。北城增為三十七文。西城增為三十九  
文。如赴本裕豐益二倉領米仍照舊例每石給  
大制錢七十文。○又奏准五城領米令司坊官  
親身赴領如遇公務不克分身仍慎派妥幹書  
役持領赴倉拉運並呈報查倉御史查明應領

數目。按色驗放將米樣封交該城御史暨監糴  
官於開糴時比對。二十四年

諭。京師現在米價稍昂。著於京倉內撥米五萬石。在五  
城適中地方設廠平糴。○又奏准再撥倉米五萬石。  
分發各廠接糴。○又

諭。前因京師麥價稍昂。令於河南麥收豐稔之處。購運  
來京平糴。今頭運船隻已陸續銜尾前進。到京之日。  
即分派五城平糴米廠內。源源出糴。以平市價。○又  
奏准。河南採買麥十萬石。運京平糴。除雜糧行  
戶不准領買。五城麪鋪准其赴廠領票。買麥磨

每石以五石為率。二十五年議准各倉成色米  
石接准部咨發糶即傳五城支領並令都察院  
飭各指揮作速赴倉領糶如有遲延照例查叅。  
○二十六年撥黑豆五萬石發五城減價平糶。  
○二十七年撥米五萬石照市價酌減平糶。  
又撥米三萬石發五城各廠接糶。二十八年  
諭現在存倉黑豆甚屬充裕著該部即於存貯豆石內  
每城分撥八千石以資各廠平糶接濟之用。三十  
四年奏准京倉氣頭廠底存積日多不必拘定  
成數無論三石五石俱聽民糶買仍令各廠將

派領成色米石。限次年全數領竣。如逾限不完。  
即分別查叅。○三十五年。

諭。前因山東今年二麥可望豐收。曾降旨令採買新麥三十萬石解京備用。京城今歲麥秋歉薄。得此東省麥石。源源接濟。於市糶甚為有益。著該部即查照向例。交五城平糶。○又奏准現在分廠平糶麥石。全行磨麪。不必兼糶麥石。以杜姦商設法因買之弊。○三十六年撥杭米三萬石。稜米二萬石。分給各廠平糶。○又奏准現在稜米將次糶竣。杭米雖經十廠分領三千石。至今糶賣無多。所有未

領之杭米二萬七千石即行停止。再撥粟米五萬石令五城各廠出糶。○又撥京倉粟米五萬石發五城接糶。○三十七年撥京倉粟米五萬石發五城平糶。○三十八年議准各倉土米估報三成四成自應確照所報成色發給各城領糶各城領運到廠亦應照領糶費其中或有倉役及廠役人等故意攬和沙土致成色不符即由倉場侍郎轉飭各監督嗣後務須驗明支放仍令巡城御史驗明發糶並不時嚴行稽察如察出前項情弊即將倉役及廠役人等從重治

罪。並將該倉監督暨司坊官員一併指名參處。  
○四十年撥老米一萬石。稜米二萬石。粟米五  
萬石。照市價酌減出糴。○四十三年奏准撥老  
米五千石。稜米一萬石。粟米二萬石。減價出糴。  
並照向例每人每日糴買自一二升起不得過  
二斗之數。至麥石一項。通倉現有餘賸麥二千  
四百餘石。先行分給五城。陸續發糴。令磨麵小  
鋪零星承買。以二石為率。民間家有磨具。情願  
領買者。亦聽其便。○又奏准嗣後各城米廠正  
副指揮於領米來之日。輪流親赴該倉支領。

又奏准再撥採買麥三萬石減價平糶。此次糶麥母庸設廠令倉場侍郎派定倉口。每次撥出一萬石。徑令五城確查穩實鋪戶認買。先交麥價給予執照赴領。戶部每倉派滿漢司官各一員。都察院每倉派御史一員。眼同監放嚴查。○四十四年奏准撥麥二萬石。照上年糶麥之例。令五城查穩實鋪戶認買領糶。○又奏准將上年倉存餘麥二萬石。再行撥發五城出糶。○又議准開糶土米時令各城司坊官親身赴倉關領並令查倉都統御史前往監看。如成色不符。

許司坊官即時稟明查究。仍將所領米樣封送  
巡城御史暨監糶部員。於到廠發糶時。比對查  
辦。四十九年奏准。倉存餘麥九千一百餘石。  
先交五城各廠出糶。俟奉天麥石運京後。即陸  
續接糶。每城各設一廠。每廠派滿漢御史。眼同  
監放。○五十二年

諭現在市價稍昂。著於京倉內撥米五萬石。每城交與  
一萬石。各派大臣一員。在城內城外公同揀擇。殷實  
大鋪戶各一處。將官米交給該鋪戶自行糶賣。仍官  
為酌定價值。令其稍霑餘潤。俾資贍給所有賣出價

值。即隨時繳納。如該鋪戶不遵官定價值。仍私行擡高牟利者。一經察出。不但將官米撤回。另選殷實大鋪承糶。並將其鋪內自置米石。一併入官。為平糶之用。仍將該商治罪。其有不願領米者。即是把持禁令。姦商治罪如前。另選一人充之。至倉內官米。若概行發給。恐該鋪無地容貯。著酌定數目。陸續發交該鋪戶收領。零星糶賣。欽此遵。

旨議定五城平糶。今改交商辦。仍於適中地方。每歲選

擇殷實鋪戶二家。令其將領出粗米。盡行春細按八折交出。照市價酌減出糶。所餘碎米糠粃。

儘可抵給春碾工費。出糴米數。每日定以五百石為率。令五日一領。每次領米二千五百石。所用升斗。照戶部官斗較准。烙印領用。其赴倉領米車價。即於出糴米價內。按部定車腳隨時給發。不得另行開銷。所有出糴之錢。照例令司坊官陸續解交戶部。搭放兵餉工程等項之用。

又

諭著再撥京倉米五萬石。交與五城地方減價平糴。俱著照前次章程妥協經理。○五十三年

諭。所有上年平糴餘存米三萬四千石。即著照舊章程

平糶並著戶部查明各倉現存麥石除酌留數用外其餘儘數發出交監糶大臣一併出糶欽此遵

旨奏准各倉現儲麥石除備用外尚餘四萬四千石俱

交五城揀殷實麵鋪磨麵糶賣每人不得過十斤之數仍令逐日將賣出麵毬斤兩據實呈報

○五十五年

諭現在京倉米數充盈著發給稻米三萬石照時價減糶欽此遵

旨奏准此次撥出稻米三萬石令五城設廠即將粗米糶賣每人每日准買三五升至七八升總不得

過一斗之數。聽其自向碾房對換。○五十七年  
諭現居青黃不接之時。恐糧價不無昂貴。自應減價平  
糴。以裕民食。其如何分城設廠。並撥用何項米麥。及  
派員經理之處。著該部查照向例具奏。欽此。遵

旨奏准。撥出京倉氣頭廠底。杭稜粟米二千七百餘石。  
並入官各色米一千二百餘石。又倉存稜米四  
萬六千餘石。共米五萬石。並撥倉存漕麥四萬  
石。分給五城十廠。與米石一同減價平糴。每人  
每日糴買米麥。俱自一二升起至二斗止。如市  
價遞平。官價亦奏明酌減。○嘉慶五年。撥杭米

四萬石麥四萬石分給五城十廠減價平糶○  
七年

諭現值青黃不接之時京城米價不無昂貴閭閻口食維艱自宜量為調劑著加恩於五城設立廠座將倉貯米石減價平糶欽此○遵

旨奏准各倉現有稜粟二項溢額米二萬六千餘石並  
十成土米二萬五千餘石即分給五城十廠減  
價平糶○十一年

諭近日京城米價較昂昨雖得有透雨而青黃不接之時市值尚未能驟減貧民口食維艱著於五城適中

處所分設廠座發給米麥各四萬石。平價糶賣以便民食。其如何分城設廠並撥用何項米麥及派員經理之處。該部查照向例速行妥議具奏。欽此。遵

旨議定此次欽奉

恩旨設廠平糶於現在京倉存儲統米內撥四萬石分給五城十廠減價糶賣。又前議搭放甲米之麥六萬餘石全數撥出與米石一同減價平糶每杭米一石市價制錢一千八百五十文今酌減制錢二百五十文以一千六百文出糶漕麥一石市價制錢二千八百文今酌減制錢三百文。

以二千五百文出糴。其出糴之米。每人每日准其糴買自一二升起至一斗止。出糴之麥。每人每日准其糴買自一二升起至二斗止。不得逾數多買。如市價遞平。官價亦奏明量為酌減。並將各部院大臣名單開列。恭請

欽點監糴大臣滿漢各五員分派各司一廠。會同各城御史。每日在廠嚴查。遵照向例妥辦。仍令步軍統領選派妥幹員弁督率兵役密查姦商影射偷糴及胥役藉端需索等弊。即行知各城轉飭赴倉關領開糴。糴賣錢文照例陸續解部以

便搭放兵餉工程等項之用。應給車價等項均  
查照從前章程辦理。十二年奏准於在京各  
倉撥出杭米四萬石。稜米四萬石。暨舊存白麥  
三千餘石。一併減價出糶。以裕民食。京城現在  
糧價每粒米一石。市價制錢二千二百文。今酌  
減制錢四百文。以一千八百文出糶。稜米一石。  
市價制錢一千七百文。今酌減制錢四百文。以  
一千三百文出糶。白麥一石。市價制錢三千三  
百五十文。今酌減制錢五百五十文。以二千八  
百文出糶。十四年奏准。各倉舊存漕白麥七

萬三千餘石。發城糶賣。以裕民食。從前平糶米  
麥成案。係五城分設正副十廠。按市價酌減糶  
費。市價遞平。官價亦奏明酌減。現據各城月報  
糧價。每漕麥一石。市價制錢二千五百三十文。  
白麥一石。市價制錢三千八百文。比之上年市  
價較貴。此次平糶麥石。每石照市價酌減制錢  
五百文。其漕麥一石。以三十三十文出糶。白麥  
一石。以三千三百文出糶。十五年奏准。各倉  
現在舊存漕白麥七萬四千餘石。一併發城糶  
賣。以裕民食。此次平糶漕麥。每石酌減制錢六

百文以二千二百五十文出糴。○又奉

旨五城御史奏籌辦出糴麥石請交鋪戶領賣一摺此  
事從前辦有成案自可仿照辦理即著原派之監糴  
大臣會同五城御史訪擇殷實鋪戶令其赴倉關領  
官為酌議領價出糴以裕民食。○十六年奏准發倉  
儲米麥於五城適中處所設廠平糴。○又

諭向來京師平糴俱於城內及閹廂處所分設廠座第  
恐城外貧民入城赴糴其道路較遠之處往來維艱  
並或日暮趕城不及既非所以示體恤且甲米出城  
向有例禁若令小民糴米出城轉恐甲米藉此影射

透漏無所區別尤難稽查所有此次平糶廠座俱著  
於城外擇地分設以便民食而杜弊端嗣後凡遇平  
糶俱照此辦理著為令○十八年

諭平糶麥石原期市價平減以便民食嘉慶十五年曾  
將麥石交鋪戶領賣辦有成案此次著即仿照辦理  
前因分廠出糶派乾清門侍衛十員稽察彈壓今交  
鋪領賣事歸簡易該侍衛均毋庸前往著派出之卿  
員十人會同五城御史查照舊章將平糶麥石訪查  
殷實鋪戶承領糶賣五城城內關外務令均勻分撥  
方與貧民有濟並廣行出示禁止囤積擡價該鋪戶

赴倉領運時仍著該鄉員輪流赴倉監放毋令倉書  
花戶人等有需索串通等弊○道光三年五城分設  
廠座發倉米五萬石平糶○又

諭海運倉撥給杭米三萬石。稜米二萬石分給五城平  
糶。杭米每石著減制錢五百文。以一千八百文出糶。  
稜米每石著減制錢六百文。以一千二百文出糶○

又奏准向來平糶間有指揮私運米石之弊嗣  
後由巡城科道隨時密訪其貧民買米交錢俱  
傳經紀帶同鋪夥逐一數清每日結算不許在  
官人役經手至姦商雇覓私人到廠糶買巡城

科道故米時留心查驗。其代姦商糴買者從嚴究治。又各廠赴倉領米。即由查倉御史嚴諭該倉花戶照例支放。不許短少斛面及攬雜泥土。致妨民食。並令司坊官親身到倉。不許糧書承領。運到之米。由巡城御史抽查。並於該廠擇高燥房間。豫備席片鋪墊。妥為收儲。每廠派司坊官一員直宿。帶領坊役會同兵役巡查。又五城米廠向有升斗照式。造具兩分。送戶部較準烙印。以備應用。四年。五城分設廠座。發倉米五萬石平糶。○又議准。平糶車價。向照五城領運。

土米例價覈銷。惟五城廠座距倉遠近不一。概以三十餘文銷算。道遠之廠未免賠累。嗣後援順天府運米成案除距倉較近之北城正廠東城副廠照舊覈銷外。其距倉較遠八廠每石每里准銷制錢五文。○又奏准將城內給孤寺一廠移在廣安門外天凝寺安設。共計城外六廠。城內四廠。每廠糶粳米三千石。稜米一千石。每人以一斗為限。○光緒三年奏准撥南省大米三萬石。在正陽崇文門外設局平糶。○四年諭。京師外城地面。經李鴻章派員設局平糶。日來民

聞購買較多。恐原辦米石不敷。自應寬為籌備。著李鴻章酌量撥銀數萬兩。派員前赴奉天採買小米雜糧。由海道運至天津。陸續轉運京城平糶。以資接濟。○十年。

諭。平糶局姦僞偷販。棍徒包庇。著步軍統領衙門順天府五城派員嚴查。責成局員。如有私冒糶米及包庇蠹棍。立即嚴拏懲究。以杜弊端。○十三年。發京倉大小米各一萬二千石。並酌撥經費銀二千兩。由順天府領交五城分設各局平糶。